



Aqqalu C. Jerimiassen
Atassut

UKA 2021/136
7. oktober 2021

**Uunga siunnersuut: Ilinniartitaanermut inuussutissarsiutinillu siunnersuisarneq pillugu
Inatsisartut inatsisaata allanngortinneqarnera pillugu Inatsisartut inatsisaat**

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Ilinniarniaritsi, ilinniarniaritsi!

Taanna oqaaseq tusartuareerlugu ukiorpassuarni, namminerlumi kaammattuutit taajuareerlugu iluarisimaarnarluinnarpoq siunnersuisarneq naalakkersuinikkut nukittorsarneqarniarmat.

Ukiut ingerlaneranni ilinniarniarlutik nalornissuteqartut amerlasaqaat, taamatuttaarlu ilinniakkamik immiutulluussorinngisamik aallartitsisoorsinnaasartut.

Siunnersuilluarnikkut eqqortumik tunaartaqalersitsisinnaanermik siunertaq periusissiaqarnissarlu pitsaalluinnarpoq, inuussuttuaraanermimi ilaatigut nalorninartorpassuit takkussinnaasarpuit qanoq ingerlariaqqinnissamik, sordiaallu ilumut pitsaaffigisarinerlugit nukittuffigisarinerlugilluunniit nalileruminaassinnaalluni.

Kinaluunniilli inuk siunnersorneqarluartortaaq angusaqarluarnissaminut qaninneruvoq, ilinniagarmi nuannarilluinnakkani aallartissimatillugu naammassisaqarnissaattaaq ilimanaateqarnerungaarmat toqqaanerliorsimanermiik. Malittaannittaarlu naammassereernermi, sulii qaffasinnerusumut ingerlariaqqikkusulersinnaanissaanik malitseqarsinnaalluni.

Naleqqussarusussutsumik Naalakkersuisut saqqummiussaqaarnerat qularnanngitsumik inuppassuarnut pitsaasumik inerititaqarfiusinnaassasoq Atassummiit qularinngilarput.

Tamaatut oqaaseqarluta siunnersuut Kulitooreqarnermut, Ilinniartitaanermut, Ilisimatusarnermut Ilageeqarnermullu ataatsimiitsitaliamut innersuupparput.